

საქართველოს მთავრობის
დადგენილება №304
2016 წლის 1 ივლისი ქ. თბილისი

პრეკურსორების იმპორტის ან ექსპორტის განხორციელების წესის
დამტკიცების თაობაზე

მუხლი 1

„ნარკოტიკული საშუალებების, ფსიქოტროპული ნივთიერებების, პრეკურსორებისა და ნარკოლოგიური დახმარების შესახებ“ საქართველოს კანონის 30-ე მუხლის მე-3 და მე-19 პუნქტების შესაბამისად, დამტკიცდეს თანდართული პრეკურსორების იმპორტის ან ექსპორტის განხორციელების წესი.

მუხლი 2

დადგენილება ამოქმედდეს 2016 წლის 1 ივლისიდან.

პრემიერ-მინისტრი

გიორგი კვირიკაშვილი

პრეკურსორების იმპორტის ან ექსპორტის განხორციელების წესი

მუხლი 1. ზოგადი დებულებები

1. ეს წესი ადგენს „ნარკოტიკული საშუალებების, ფსიქოტროპული ნივთიერებების, პრეკურსორებისა და ნარკოლოგიური დახმარების შესახებ“ საქართველოს კანონის №1 დანართით განსაზღვრულ IV სიაში (№1 და №2 ცხრილი) შეტანილი პრეკურსორების იმპორტის ან ექსპორტის განხორციელების წესს.

2. ამ წესში გამოყენებულ ტერმინთა განმარტებები შეესაბამება „ნარკოტიკული საშუალებების, ფსიქოტროპული ნივთიერებების, პრეკურსორებისა და ნარკოლოგიური დახმარების შესახებ“ საქართველოს კანონში გამოყენებულ ტერმინთა განმარტებებს.

3. საქართველოს საბაჟო საზღვარზე პრეკურსორების გადაადგილების საბაჟო კონტროლს ახორციელებს საქართველოს ფინანსთა სამინისტროს მმართველობის სფეროში შემავალი საჯარო სამართლის იურიდიული პირი – შემოსავლების სამსახური (შემდგომში – შემოსავლების სამსახური).

4. ამ წესის დარღვევით საქართველოს საბაჟო საზღვარზე პრეკურსორის გადაადგილებისას, ასევე როდესაც ვერ ხერხდება პრეკურსორის იდენტიფიცირება რისკის შეფასების გათვალისწინებით, საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს (შემდგომში – სამინისტრო) სახელმწიფო კონტროლს დაქვემდებარებულ საჯარო სამართლის იურიდიულ პირთან – სამედიცინო და ფარმაცევტული საქმიანობის რეგულირების სააგენტოსთან (შემდგომში – სააგენტო) შეთანხმებით, საქონელი ექვემდებარება საბაჟო ტერიტორიიდან გატანას (უკან გაბრუნებას) ან განადგურებას იმპორტიორის/ექსპორტიორის ხარჯით. (8.11.2019 N541 ამოქმედდეს 2019 წლის 1 ნოემბრიდან)

5. პრეკურსორების იმპორტის ან ექსპორტის განხორციელების უფლება აქვს იურიდიულ პირს, რომელიც პრეკურსორებს იყენებს თავისი საქმიანობისათვის ან/და ახორციელებს მის რეალიზაციას და ამ წესის შესაბამისად, დარეგისტრირებულია სააგენტოს „პრეკურსორების იმპორტის ან ექსპორტის განმახორციელებელ პირთა რეესტრში“ (შემდგომში – რეესტრი).

6. პრეკურსორების (IV სიის №1 და №2 ცხრილები) იმპორტის ან ექსპორტის განხორციელებამდე, იურიდიული პირი ვალდებულია, მიიღოს წინასწარი შეთანხმების დოკუმენტი.

7. IV სიის №1 ცხრილში შეტანილი პრეკურსორების საქართველოს საბაჟო საზღვარზე უშუალოდ გადაადგილების დროს, იმპორტიორის/ექსპორტიორის ან საბაჟო დეპარტამენტის წერილობითი მიმართვის საფუძველზე, სამინისტრო, სააგენტოს მეშვეობით, წინასწარი შეთანხმების დოკუმენტის საფუძველზე, გასცემს წერილობით ნებართვას/თანხმობას, საქართველოს საბაჟო საზღვარზე ტვირტის გადაადგილებასთან დაკავშირებით.

მუხლი 2. პრეკურსორების იმპორტის ან ექსპორტის განმახორციელებელ პირთა რეესტრში იურიდიულ პირთა რეგისტრაცია

1. რეესტრში დარეგისტრირების მიზნით, დაინტერესებულმა პირმა სააგენტოს განცხადებასთან ერთად უნდა წარუდგინოს:

ა) დეკლარაცია საქმიანობაში პრეკურსორების გამოყენების თაობაზე, თანდართული ფორმის შესაბამისად (დანართი 2);

ბ) ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან.

2. სააგენტო, მარტივი ადმინისტრაციული წარმოების წესით, განიხილავს ამ მუხლის პირველი პუნქტით გათვალისწინებულ დოკუმენტაციას და იღებს გადაწყვეტილებას, პრეკურსორების იმპორტის ან ექსპორტის განმახორციელებელ პირთა რეესტრში პირის რეგისტრაციაზე ან რეგისტრაციაზე უარის თქმის შესახებ.

3. სააგენტო უფლებამოსილია, გადაწყვეტილების მიღებამდე გადაამოწმოს დაინტერესებული პირის მიერ წარდგენილი ინფორმაციის სიზუსტე.

4. დაინტერესებული იურიდიული პირის რეგისტრაციის თაობაზე დადებითი გადაწყვეტილების მიღების შემთხვევაში, სააგენტო უზრუნველყოფს დაინტერესებული პირის რეესტრში შეტანას დადგენილი ფორმით (დანართი 1) ხოლო რეგისტრაციაზე უარყოფითი გადაწყვეტილების შემთხვევაში, აღნიშნულის თაობაზე სააგენტო აცნობებს განმცხადებელს 5 სამუშაო დღის განმავლობაში.

5. სააგენტოს მიერ წარმოებული რეესტრი არის საჯარო და მასში შეტანილი ინფორმაცია განთავსებულია ვებგვერდზე www.rama.moh.gov.ge. (26.11.2018 N567 ამოქმედდეს 2019 წლის 1 იანვრიდან)

6. რეესტრში დარეგისტრირებულმა პირმა, ყოველი საანგარიშო წლის დაწყებამდე 6 თვით ადრე, სააგენტოში უნდა წარადგინოს წერილობითი ინფორმაცია, შესაბამის საანგარიშო პერიოდში საქართველოს საბაჟო ტერიტორიაზე შემოსატანი/საქართველოს საბაჟო ტერიტორიიდან გასატანი IV სიის №1 ცხრილში შეტანილი პრეკურსორების დასახელებისა და სავარაუდო ოდენობის შესახებ.

მუხლი 3. წინასწარი შეთანხმების დოკუმენტის გაცემა

1. პრეკურსორის იმპორტის ან ექსპორტის განხორციელებამდე, რეესტრში რეგისტრირებული პირი ვალდებულია, მიიღოს წინასწარი შეთანხმების დოკუმენტი პრეკურსორების იმპორტზე (დანართი №5) ან ექსპორტზე (დანართი №6), რომელსაც გასცემს სამინისტრო სააგენტოს მეშვეობით.

2. წინასწარი შეთანხმების დოკუმენტის მისაღებად, რეესტრში დარეგისტრირებული პირის მიერ სააგენტოს წარედგინება:

ა) განცხადება-დეკლარაცია პრეკურსორების იმპორტზე (დანართი №3) ან განცხადება-დეკლარაცია პრეკურსორების ექსპორტზე (დანართი №4), რომელშიც მითითებული უნდა იყოს:

ა.ა) იმპორტიორი, ექსპორტიორი ორგანიზაციის დასახელება, სამართლებრივი ფორმა, იურიდიული და ფაქტობრივი მისამართები, სააგენტოს რეესტრში რეგისტრაციის ნომერი;

ა.ბ) ტვირთის საბოლოო მიმღები ორგანიზაციის დასახელება, სამართლებრივი ფორმა, იურიდიული და ფაქტობრივი მისამართები;

ა.გ) საიმპორტო/საექსპორტო პრეკურსორის დასახელება, ქიმიური ნივთიერებების სარეგისტრაციო ნომერი (CAS number) და სასაქონლო კოდი, საქართველოს ფინანსთა მინისტრის ბრძანებით დამტკიცებული „საგარეო-ეკონომიკური საქმიანობის ეროვნული სასაქონლო ნომენკლატურის (სეს ესნ)“ შესაბამისად; *(4.09.2019 N436 ამოქმედდეს 2019 წლის 1 სექტემბრიდან)*

ა.დ) საიმპორტო/საექსპორტო პრეკურსორის რაოდენობა. ნარევის შემთხვევაში, დამატებით მიეთითება მასში პრეკურსორის შემცველობა გამოხატული %-ით;

ა.ე) მწარმოებელი (დასახელება, მისამართი);

ა.ვ) ტრანსპორტის სახეობა, რომლითაც ხორციელდება ტვირთის საქართველოში შემოტანა/საქართველოდან გატანა;

ა.ზ) პრეკურსორის იმპორტის/ექსპორტის მიზანი;

ა.თ) განცხადება-დეკლარაციის შევსების თარიღი;

ა.ი) პასუხისმგებელი პირის ხელმოწერა;

ბ) მომწოდებელთან (ექსპორტის დროს – მიმღებთან) გაფორმებული ხელშეკრულება (შესაბამისი სპეციფიკაციის ამსახველი ინფორმაციით – ხელშეკრულების დანართი), ნოტარიულად დამოწმებული ქართული თარგმანით;

გ) ანგარიშფაქტურის (ინვოისი) ან სხვა საანგარიშსწორებო დოკუმენტის ნოტარიულად დამოწმებული ქართული თარგმანი;

დ) ექსპორტის შემთხვევაში დამატებით წარედგინება იმპორტიორი ქვეყნის უფლებამოსილი ორგანოს მიერ გაცემული იმპორტზე თანხმობის დოკუმენტი, რომლის ნომერი და გაცემის თარიღი ფიქსირდება სამინისტროს მიერ სააგენტოს მეშვეობით გაცემულ წინასწარი საექსპორტო შეთანხმების დოკუმენტში.

3. წინასწარი შეთანხმების დოკუმენტი იმპორტზე ფორმდება 5 ეგზემპლარად, ინგლისურ და ქართულ ენებზე (ყველა ეგზემპლარი წარმოადგენს დედანს), საიდანაც:

ა) ერთი ეგზემპლარი რჩება იმპორტზე წინასწარი შეთანხმების დოკუმენტის გამცემ ადმინისტრაციულ ორგანოში;

ბ) 4 ეგზემპლარი გადაეცემა იმპორტიორს, საიდანაც ერთი ეგზემპლარი ექსპორტიორი ქვეყნის უფლებამოსილ ორგანოს. 2 ეგზემპლარი საქონლის თავისუფალ მიმოქცევაში

გაშვების (იმპორტი) პროცედურის განხორციელებისას უნდა წარედგინოს შემოსავლების სამსახურს, რომელთაგან ერთი დაერთვის საბაჟო დეკლარაციას, ხოლო მეორეს, ფაქტობრივად განხორციელებული იმპორტის შესახებ გაფორმების ორგანოს აღნიშვნით, იმპორტიორი უბრუნებს სააგენტოს 5 სამუშაო დღის ვადაში. ერთი ეგზემპლარი რჩება იმპორტიორთან. (4.09.2019 N436 ამოქმედდეს 2019 წლის 1 სექტემბრიდან)

4. წინასწარი შეთანხმების დოკუმენტი ექსპორტზე ფორმდება ინგლისურ და ქართულ ენებზე, 5 ეგზემპლარად (ყველა ეგზემპლარი წარმოადგენს დედანს), საიდანაც:

ა) 2 ეგზემპლარი რჩება ექსპორტზე წინასწარი შეთანხმების დოკუმენტის გამცემ ადმინისტრაციულ ორგანოში, საიდანაც ერთი, ექსპორტის დადასტურების მიზნით, ეგზავნება იმპორტიორი ქვეყნის კომპეტენტურ ეროვნულ ორგანოს;

ბ) 3 ეგზემპლარი გადაეცემა ექსპორტიორს, საიდანაც 2 ეგზემპლარი ექსპორტის პროცედურის განხორციელებისას უნდა წარედგინოს შემოსავლების სამსახურს, რომელთაგან ერთი დაერთვის საბაჟო დეკლარაციას, ხოლო მეორეს, ფაქტობრივად განხორციელებული ექსპორტის შესახებ გაფორმების ორგანოს აღნიშვნით, ექსპორტიორი უბრუნებს სააგენტოს 5 სამუშაო დღის ვადაში. ერთი ეგზემპლარი რჩება ექსპორტიორთან. (4.09.2019 N436 ამოქმედდეს 2019 წლის 1 სექტემბრიდან)

5. წინასწარი შეთანხმების დოკუმენტი გაიცემა ერთი ან რამდენიმე დასახელების პრეკურსორის მხოლოდ ერთჯერადად განსახორციელებელი იმპორტის (ექსპორტის) რაოდენობაზე.

6. წინასწარი შეთანხმების დოკუმენტის მოქმედების ვადა განისაზღვრება ერთ წლამდე ვადით, მაგრამ არა უმეტეს საქონლის მომწოდებელთან/მიმღებთან გაფორმებული ხელშეკრულების მოქმედების ვადისა.

7. წინასწარი შეთანხმების დოკუმენტის ყველა ეგზემპლარის დაკარგვისას, იმპორტიორი/ექსპორტიორი ვალდებულია, აღნიშნულის თაობაზე დაუყოვნებლივ აცნობოს სააგენტოს. დაკარგული წინასწარი შეთანხმების დოკუმენტი ითვლება ძალადაკარგულად და მისი დუბლიკატი არ გაიცემა.

მუხლი 4. პრეკურსორების იმპორტის ან ექსპორტის კონტროლის ღონისძიებები

1. პრეკურსორის მიმართ ექსპორტის პროცედურის განხორციელების შემდეგ სააგენტო იმპორტიორი ქვეყნის უფლებამოსილი ორგანოდან საერთაშორისო ნორმებით გათვალისწინებული წესით, გამოითხოვს ინფორმაციას ფაქტობრივად იმპორტირებული პრეკურსორის დასახელების, რაოდენობისა და იმპორტის განხორციელების თარიღის შესახებ. (4.09.2019 N436 ამოქმედდეს 2019 წლის 1 სექტემბრიდან)

2. სააგენტო, ექსპორტიორი ქვეყნის უფლებამოსილი ორგანოს მიმართვის შემთხვევაში, საერთაშორისო ნორმებით გათვალისწინებული წესით, აწვდის მას ინფორმაციას, საქართველოში ფაქტობრივად იმპორტირებული პრეკურსორების დასახელებისა და რაოდენობის შესახებ, თარიღის მითითებით.

3. სააგენტო, თავისი კომპეტენციის ფარგლებში, საერთაშორისო ხელშეკრულებებით გათვალისწინებული ნორმების შესაბამისად, აწვდის/იღებს და მოითხოვს ინფორმაციას, პრეკურსორების ბრუნვის შესახებ.

4. პრეკურსორებთან დაკავშირებით გამოიყენება საერთაშორისო ხელშეკრულებებითა და შეთანხმებებით გათვალისწინებული ნორმები.

პრეკურსორების იმპორტის ან ექსპორტის განმახორციელებელ პირთა რეესტრის ფორმა

რეგისტრაციის N	რეესტრში გატარების თარიღი	იურიდიული პირის დასახელება	იურიდიული მისამართი	ფაქტობრივი მისამართი	საიდენტიფიკაციო კოდი	საქმიანობის სახე	პასუხისმგებელი პირის სახელი, გვარი,	საკონტაქტო ტელეფონის ნომერი
	1	2	3	4	5	6	7	8

**დეკლარაცია
საქმიანობაში პრეკურსორების გამოყენების თაობაზე**

იურიდიული პირის დასახელება	
მისამართი	
საიდენტიფიკაციო კოდი	
პასუხისმგებელი პირი (სახელი, გვარი, პირადი ნომერი)	
პასუხისმგებელი პირის ტელეფონი	პასუხისმგებელი პირის ელექტრონული ფოსტა
<i>ხელმოწერი პირი პასუხისმგებელია მონაცემების სისწორესა და სისრულეზე, მითითებული ინფორმაციის სიზუსტეზე, თანდართული ყველა დოკუმენტაციის ნამდვილობაზე</i>	პ/პირის ხელმოწერა თარიღი ბ.ა. (ასეთის არსებობის შემთხვევაში)
საქმიანობის სახე (მონიშნეთ შესაბამისი უჯრა <input type="checkbox"/>) შწარმოებელი <input type="checkbox"/> წარმოება <input type="checkbox"/> იმპორტიორი <input type="checkbox"/> ექსპორტიორი <input type="checkbox"/> საბოლოო მომხმარებელი <input type="checkbox"/>	
პრეკურსორ(ებ)ი, რომელსაც იურიდიული პირი იყენებს თავისი საქმიანობისათვის ან სარეალიზაციოდ <i>(მონიშნეთ შესაბამისი რიგითი ნომერი)</i> შენიშვნა: ამ სიაში შემავალი ნივთიერების მარტივად აღწერის შემთხვევაში, „შენიშვნის“ შესაბამის ცარიელ უჯრედებში მიეთითება დასახელება და CAS number	
№	დასახელება ლათინურად და ქართულად
	HS code
	CAS number
	შენიშვნა

ცხრილი №1				
1	1-Phenyl-2-propanone 1-ფენილ-2-პროპანონი	2914 31	103-79-7	
2	3,4-Methylenedioxyphenyl-2-propanone 3,4-მათილენდიოქსიფენილ-2-პროპანონი	2932 92	4676-39-5	
3	N-Acetylthranilic acid N-აცეტილანტრანილის მჟავა	2924 23	89-52-1	
4	alpha-Phenylacetoacetonitrile (APAAN) ალფა-ფენილაცეტოაცეტონიტრილი			
5	Ergometrine ერგომეტრინი	2939 61	60-79-7	
6	Ergotamine ერგოტამინი	2939.62	113-15-5	
7	Isosafrole იზოსაფროლი	2932.91	120-58-1	
8	Potassium permanganate კალიუმის პერმანგანატი	2841.61	7722-64-7	
9	Piperonal პიპერონალი	2932.93	120-57-0	
10	Safrole საფროლი	2932.94	94-59-7	
11	Phenylacetic acid ფენილმმარმჟავა	2916.34	103-82-2	
12	Acetic anhydride ძმარმჟავა ანჰიდრიდი	2915.24	108-24-7	
№	ცხრილი №2			
1	Anthranilic acid ანტრანილის მჟავა	2922.43	118-92-3	
2	Acetone აცეტონი	2914.11	67-64-1	
3	Sulphuric acid გოგირდმჟავა კონცენტრირებული	2807.00	7664-93-9	
4	Ethyl ether ეთილის ეთერი	2909.11	60-29-7	
5	Hydrochloric acid ქლორწყალბადმჟავა	2806.10	7647-01-0	
6	Methyl ethyl ketone მეთილ ეთილ კეტონი	2914.12	78-93-3	
7	Piperidine პიპერიდინი	2933.32	110-89-4	
8	Toluene ტოლუოლი	2902.30	108-88-3	

საქმიანობის პროფილი
საქმიანობის მოკლე აღწერილობა

დანართი N3 (8.11.2019 N541 ამოქმედდეს 2019 წლის 1 ნოემბრიდან)

სსიპ – სამედიცინო და ფარმაცევტული საქმიანობის რეგულირების სააგენტოს დირექტორს

გ ა ნ ც ხ ა დ ე ბ ა - დ ე კ ლ ა რ ა ც ი ა
პრეკურსორების იმპორტზე

1. იმპორტიორი ორგანიზაციის დასახელება, სამართლებრივი ფორმა, იურიდიული და ფაქტობრივი მისამართი, სააგენტოს რეესტრში რეგისტრაციის ნომერი:

2. ექსპორტიორი ორგანიზაციის დასახელება, სამართლებრივი ფორმა, იურიდიული და ფაქტობრივი მისამართი:

3. ტვირთის საბოლოო მიმღები ორგანიზაციის დასახელება, სამართლებრივი ფორმა, იურიდიული და ფაქტობრივი მისამართი:

4. პრეკურსორის დასახელება, ქიმიური ნივთიერებების სარეგისტრაციო ნომერი (CAS number), სასაქონლო კოდი (სეს ესნ) და რაოდენობა. ნარევის შემთხვევაში, დამატებით მიეთითება მასში პრეკურსორის შემცველობა გამობატული %-ით:

- ---
- ---
- ---
- ---

და ა.შ.

5. იმპორტის მიზანი:

6. ტრანსპორტის სახეობა, რომლითაც განხორციელდება საქონლის თავისუფალ მიმოქცევაში გაშვების (იმპორტი) პროცედურა:

7. მწარმოებელი (დასახელება, მისამართი):

8. ვადასტურებ განცხადებაში აღნიშნული ინფორმაციის სისწორეს
პასუხისმგებელი პირის ხელმოწერა:

_____ „____“ _____ 20

დანართი №4 (8.11.2019 N541 ამოქმედდეს 2019 წლის 1 ნოემბრიდან)

სსიპ – სამედიცინო და ფარმაცევტული საქმიანობის რეგულირების სააგენტოს დირექტორს

გ ა ნ ც ხ ა დ ე ბ ა - დ ე კ ლ ა რ ა ც ი ა
პრეკურსორების ექსპორტზე

1. ექსპორტიორი ორგანიზაციის დასახელება, სამართლებრივი ფორმა, იურიდიული და ფაქტობრივი მისამართი, სააგენტოს რეესტრში რეგისტრაციის ნომერი:

2. იმპორტიორი ორგანიზაციის დასახელება, სამართლებრივი ფორმა, იურიდიული და ფაქტობრივი მისამართი:

3. ტვირთის საბოლოო მიმღები ორგანიზაციის დასახელება, სამართლებრივი ფორმა, იურიდიული და ფაქტობრივი მისამართი:

4. პრეკურსორის დასახელება, ქიმიური ნივთიერებების სარეგისტრაციო ნომერი (CAS number), სასაქონლო კოდი (სეს ესნ) და რაოდენობა. ნარევის შემთხვევაში, დამატებით მიეთითება მასში პრეკურსორის შემცველობა გამოხატული %-ით:

და ა.შ.

5. ექსპორტის მიზანი:

6. იმპორტიორი ქვეყნის კომპეტენტური ორგანოს მიერ გაცემული იმპორტზე თანხმობის დოკუმენტის № და გაცემის თარიღი:

7. ტრანსპორტის სახეობა, რომლითაც განხორციელდება საექსპორტო ოპერაცია:

8. მწარმოებელი (დასახელება, მისამართი):

9. ვადასტურებ განცხადებაში აღნიშნული ინფორმაციის სისწორეს

პასუხისმგებელი პირის ხელმოწერა: _____ „____“ _____ 20

დანართი №5 (8.11.2019 N541 ამოქმედდეს 2019 წლის 1 ნოემბრიდან)

წინასწარი შეთანხმების დოკუმენტის ფორმა
1988 წლის კონვენციით გათვალისწინებულ
პრეკურსორების იმპორტზე
(წინა გვერდი)

საქართველოს ოკუპირებული ტერიტორიებიდან
დევნილთა, შრომის, ჯანმრთელობისა და
სოციალური დაცვის სამინისტრო

Ministry of Internally displaced
persons from the occupied territories,
Labor, Health and Social
Affairs of Georgia

სსიპ „სამედიცინო და ფარმაცევტული
საქმიანობის რეგულირების სააგენტო“

LEPL „Regulation Agency for Medical
and Pharmaceutical Activities”

0119 თბილისი, აკ. წერეთლის გამზ. №144,
საქართველო

AK. TSERETELI AVENUE 144, 0119,
TBILISI, GEORGIA

წინასწარი შეთანხმების დოკუმენტი 1988 წლის კონვენციით გათვალისწინებული
პრეკურსორების იმპორტზე
DOCUMENT OF PRELIMINARY AGREEMENT ON IMPORT OF PRECURSORS SPECIFIED BY
CONVENTION 1988

No 000000

სსიპ „სამედიცინო და ფარმაცევტული საქმიანობის რეგულირების სააგენტო“, რომელსაც
ეკისრება „ნარკოტიკული საშუალებებისა და ფსიქოტროპული ნივთიერებების უკანონო

ბრუნვის წინააღმდეგ ბრძოლის შესახებ“ გაეროს 1988 წლის კონვენციით გათვალისწინებული მოთხოვნების შესრულება პრეკურსორებზე, ადასტურებს, რომ LEPL „Regulation Agency for Medical and Pharmaceutical Activities“ on duty to implement “United Nations Convention against the Illicit Traffic in Narcotic Drugs and Psychotropic Substances of 1988” content requests on precursors confirms tha

იმპორტიორი ქვეყანა, იმპორტიორი ორგანიზაციის დასახელება, იურიდიული და ფაქტობრივი მისამართები	Importing country, name, juridical and factual addresses of importing organization

უფლება აქვს შემოიტანოს საქართველოში
Has the right to import into Georgia

ექსპორტიორი ქვეყანა, ექსპორტიორი ორგანიზაციის დასახელება, იურიდიული და ფაქტობრივი მისამართები	Exporting country, name and juridical address of exporting organization

შემდეგი ნივთიერებები:
The following substances

პრეკურსორის დასახელება, ქიმიური ნივთიერებების სარეგისტრაციო ნომერი (CAS number), სასაქონლო კოდი ((სეს ესნ) და რაოდენობა. ნარევის შემთხვევაში დამატებით მიეთითება მასში პრეკურსორის შემცველობა გამომხატული %-ით;	Name of the Precursor, Chemical Abstracts Service Registry Number, Foreign Economic Activity National Commodity Nomenclature, Quantity of the Precursor; in case of mixture containing precursor, the amount of the precursor (%)

ტრანსპორტის სახეობა
Type of transportation _____

აღნიშნული ნივთიერებები გამოყენებული იქნება
Which will be used _____

გაცემის თარიღი
Date of issue _____ 20

მოქმედების ვადა
Date of expiry _____ 20

ბ.ა

სსიპ – სამედიცინო და ფარმაცევტული საქმიანობის რეგულირების სააგენტოს დირექტორი

Director of the LEPL „Regulation Agency for Medical and P harmaceutical Activities”

(უკანა გვერდი)

იმპორტიორი ქვეყნის შემოსავლების სამსახურის შესაბამისი ორგანოს დასტური წინამდებარე დოკუმენტით გათვალისწინებული ნივთიერებების ფაქტობრივი რაოდენობის იმპორტის შესახებ

Endorsement by relevant organ of revenue service of importing country on import of actual amount of substances specified by present document

გთხოვთ, შევსებული და დამოწმებული ბლანკი დაგვიბრუნოთ შემდეგ მისამართზე:

სსიპ – სამედიცინო და ფარმაცევტული საქმიანობის რეგულირების სააგენტო
0119 თბილისი, აკ. წერეთლის გამზ. №144. საქართველო.

Please, return filled and certified form to:

LEPL „Regulation Agency for Medical and P harmaceutical Activities”

AK. TSERETELI AVENUE 144, 0119, TBILISI, GEORGIA

დანართი №6 (8.11.2019 N541 ამოქმედდეს 2019 წლის 1 ნოემბრიდან)

წინასწარი შეთანხმების დოკუმენტის ფორმა
1988 წლის კონვენციით გათვალისწინებულ
პრეკურსორების ექსპორტზე
(წინა გვერდი)

საქართველოს ოკუპირებული ტერიტორიებიდან
დევნილთა, შრომის, ჯანმრთელობისა და
სოციალური დაცვის სამინისტრო

Ministry of Internally displaced
persons from the occupied territories,
Labor, Health and Social
Affairs of Georgia

სსიპ „სამედიცინო და ფარმაცევტული
საქმიანობის რეგულირების სააგენტო“

LEPL „Regulation Agency for Medical
and Pharmaceutical Activities”

0119 თბილისი, აკ. წერეთლის გამზ. №144,
საქართველო

AK. TSERETELI AVENUE 144, 0119,
TBILISI, GEORGIA

წინასწარი შეთანხმების დოკუმენტი 1988 წლის კონვენციით გათვალისწინებული
პრეკურსორების ექსპორტზე

DOCUMENT OF PRELIMINARY AGREEMENT ON EXPORT OF PRECURSORS SPECIFIED BY
CONVENTION 1988

No 000000

სსიპ „სამედიცინო და ფარმაცევტული საქმიანობის რეგულირების სააგენტო“, რომელსაც ეკისრება „ნარკოტიკული საშუალებებისა და ფსიქოტროპული ნივთიერებების უკანონო ბრუნვის წინააღმდეგ ბრძოლის შესახებ“ გაეროს 1988 წლის კონვენციით გათვალისწინებული მოთხოვნების შესრულება პრეკურსორებზე, ადასტურებს, რომ LEPL „Regulation Agency for Medical and Pharmaceutical Activities” on duty to implement “United Nations Convention against the Illicit Traffic in Narcotic Drugs and Psychotropic Substances of 1988” content requests on precursors confirms that

ექსპორტიორი ქვეყანა, ექსპორტიორი ორგანიზაციის დასახელება, იურიდიული და ფაქტობრივი მისამართები	Exporting country, name, juridical and factual addresses of exporting organization

უფლება აქვს გაიტანოს საქართველოდან
Has the right to export from Georgia

იმპორტიორი ქვეყანა, იმპორტიორი ორგანიზაციის დასახელება, იურიდიული მისამართი და ფაქტობრივი მისამართები	Importing country, name and juridical address of importing organization

შემდეგი ნივთიერებები:
The following substances

პრეკურსორის დასახელება, ქიმიური ნივთიერებების სარეგისტრაციო ნომერი (CAS number), სასაქონლო კოდი ((სეს ესნ) და რაოდენობა. ნარევის შემთხვევაში დამატებით მიეთითება მასში პრეკურსორის შემცველობა გამოხატული %-ით	Name of the Precursor, Chemical Abstracts Service Registry Number, Foreign Economic Activity National Commodity Nomenclature, Quantity of the Precursor; in case of mixture containing precursor, the amount of the precursor (%)

ტრანსპორტის სახეობა
Type of transportation _____

იმპორტზე წინასწარი შეთანხმების დოკუმენტის გაცემის თარიღი და მოქმედების ვადა:

--

Number of Import certificate, dates of issue and expiry:

აღნიშნული ნივთიერება გამოყენებული იქნება

Which will be used _____

გაცემის თარიღი

Date of issue _____ 20

მოქმედების ვადა

Date of expiry _____ 20

სსიპ – სამედიცინო და ფარმაცევტული საქმიანობის
რეგულირების სააგენტოს დირექტორი
Director of the LEPL „Regulation Agency for Medical and P pharmaceutical Activities”

ბ.ა

წინასწარი შეთანხმების დოკუმენტის ფორმა
1988 წლის კონვენციით გათვალისწინებულ
პრეკურსორების ექსპორტზე
(უკანა გვერდი)

ექსპორტიორი ქვეყნის შემოსავლების სამსახურის შესაბამისი ორგანოს დასტური
წინამდებარე დოკუმენტით გათვალისწინებული ნივთიერებების ფაქტობრივი
რაოდენობის ექსპორტის შესახებ

Endorsement by relevant organ of revenue service of exporting country on export of actual amount
of substances specified by present document

გთხოვთ

შევსებული და დამოწმებული ბლანკი დაგვიბრუნოთ შემდეგ მისამართზე:

სსიპ – სამედიცინო და ფარმაცევტული საქმიანობის რეგულირების სააგენტო
0119 თბილისი, აკ. წერეთლის გამზ. №144, საქართველო

Please, return filled and certified form to:

LEPL „Regulation Agency for Medical and P pharmaceutical Activities”

AK. TSERETELI AVENUE 144, 0119, TBILISI, GEORGIA

Endorsement by importing country

Please return to:

LEPL „Regulation Agency for Medical and P pharmaceutical Activities”

AK. TSERETELI AVENUE 144, 0119, TBILISI, GEORGIA